

APERTURA DOS PRAZOS DE RESERVA DE PRAZA DO ALUMNADO ACTUAL, PREINSCRICIÓN E MATRÍCULA DE NOVO ALUMNADO NA ESCOLA MUNICIPAL DE MÚSICA DE SANTIAGO DE COMPOSTELA. CURSO 2018-2019

A Xunta de Goberno de Santiago de Compostela na sesión celebrada o 25 de maio de 2018 acordou aprobar os seguintes prazos e admisión na Escola Municipal de Música para o curso 2018-2019:

1. ALUMNADO ACTUAL DA ESCOLA MUNICIPAL DE MÚSICA

1.1.- Do 28 de maio ao 4 de xuño de 2018:

O 28 de maio publicarase no taboleiro de anuncios da Escola Municipal de Música as prazas dispoñibles de instrumento ás que pode optar o alumnado que finaliza a Iniciación á linguaxe musical II (7 anos), polo que se establece un período diferenciado para este nivel (do 28 de maio ao 4 de xuño de 2018), onde poden elixir unha especialidade instrumental das que se ofrecen. As familias do alumnado que finaliza a etapa de **Iniciación á linguaxe musical II** deberán solicitar o correspondente impreso de preinscrición na secretaría da EMM, onde sinalarán por orde de preferencia o seu interese ata en 3 especialidades instrumentais distintas.

O alumnado matriculado actualmente no curso de iniciación ao instrumento, nas especialidades recollidas no PEX, ten garantizada a súa continuidade na especialidade que está cursando.

Realizada esta petición de preinscrición poden darse as seguintes casuísticas:

a) Se se obtén a praza solicitada, o alumno/a incorpórase ás listas xerais de renovación por especialidade.

Se hai máis solicitantes que prazas dispoñibles, **o 6 de xuño de 2018 realizarase un sorteo público interno**, nas dependencias da EMM (no que os solicitantes de praza participarán coa 1ª opción). De resultas deste proceso poden darse os seguintes supostos:

1) Se se obtén por sorteo a praza solicitada, o alumno/a incorpórase ás listas xerais de renovación da EMM.

2) De non obter praza, o alumno/a ten a opción de matricularse nas materias de Linguaxe Musical e Agrupación á espera dunha vacante no instrumento elixido, ou poderán volver solicitar praza noutra especialidade instrumental no período de preinscrición para o novo alumnado

O alumnado PEX/PEPA matriculado en dúas materias (teórica e agrupación) con interese en optar a praza de instrumento, unha vez finalizada a elección de instrumento do alumnado de 7 anos e no suposto de que quedasen prazas vacantes, daríase a oportunidade de optar a unha destas vacantes durante o período da renovación.

1.3.- Do 12 ao 22 de xuño de 2018 realizarase o proceso de renovación de praza e posta de horario para o vindeiro curso escolar 2017/18 do alumnado da Escola Infantil de Música, PEX e PEPA.:

a) Alumnado da Escola infantil de Música (de 3 a 6 anos)

Do 12 ao 22 de xuño o profesorado de Música e Movemento informará ás familias do proceso de renovación de praza. Cada profesor/a entregará ao seu alumnado o formulario de renovación de praza onde figurarán os datos do alumno/a, así como o horario asignado pola propia EMM para o vindeiro curso escolar. As familias deben revisar e confirmar que estes datos son correctos e entregar dito impreso asinado na secretaría da EMM, establecendo como data límite o 22 de xuño de 2018.

b) Alumnado do Plan Educativo Xeral (PEX) e alumnado do Plan Educativo para Adultos (PEPA)

A EMM realizará o día 6 de xuño de 2018 un sorteo público interno nas dependencias da EMM coa presenza dun técnico/a do Dpto. de Educación, un pai/nai do alumnado do PEX ou PEPA, ademais do equipo directivo para determinar a letra que designe a orde alfabética (inicial do primeiro apelido) a seguir na renovación de matrícula e na elección horaria para o instrumento a elixir para o vindeiro curso escolar 2017/18.

Para a orde de elección de horario das clases individuais procederase do seguinte xeito:

- Realizarase un sorteo no que se procederá a sacar do bombo unha bola que corresponderá a unha letra.
- Comezarán a elixir o horario aquelas familias que contén con máis membros da unidade familiar matriculados na Escola.
- No caso de igual número de membros da mesma unidade familiar, a escolla comezará en rigorosa orde alfabética a partir da letra extraída.

Dito procedemento unicamente fai referencia á elección de horario de clase individual de instrumento. Os horarios, tanto da formación complementaria como das actividades de conxunto, serán asignados pola EMM, por motivos pedagóxicos e de organización da mesma.

No taboleiro de anuncios da Escola expoñerase a acta de dito sorteo e as listas coa data e hora para elixir horario.

Neste acto cumprimentarase e asinarase o correspondente impreso de matrícula, así como a actualización da ficha médica, a autorización de dereitos de imaxe de cada alumno/a, título de familia numerosa (a quen corresponda) e a autorización de saída do centro dos menores de idade.

Permitirase a modificación horaria no caso de incompatibilidade coa xornada escolar (nos apartados a e b). Para outras casuísticas, pódese solicitar o cambio de horario por escrito e agardar a confirmación da EMM. Atenderanse as peticións, de ser posible, de acordo coa seguinte prioridade:

- 1) Compatibilizar horarios de irmáns matriculados no centro.
- 2) Agrupar as materias do propio alumno/a en 2 días.
- 3) No suposto de ter varios casos coas mesmas características, a letra que saia como resultado do sorteo do día 6 de xuño determina a orde na que se terán en conta as peticións.

Outra información de interese xeral:

- Non se poderá renovar praza na EMM nos seguintes casos:
 - Alumnado que finaliza o ciclo de 8 anos do seu plan educativo da EMM, agás se dispoñan de prazas vacantes, unicamente por periodo dun curso escolar e nos prazos establecidos.
 - Alumnado ao que se lle remitira, ao longo do presente curso, tres informes referidos á falta de asistencia reiterada a clase, sempre baixo a supervisión da comisión pedagóxica do centro.
 - Alumnado que repita unha mesma materia máis de dúas veces, sempre baixo a supervisión da comisión pedagóxica do centro.
 - Alumnado que teña pendente algunha mensualidade e non teña regularizada a súa situación antes do inicio do proceso de renovación de praza.
- Os horarios elixidos actualízanse anualmente, tendo en conta o incremento do alumnado en cada curso escolar e a complexidade das casuísticas que concorren no alumnado do centro.
- Para a formalización da matrícula debe acudir o alumno/a (cando supere a maioría de idade), ou o pai, nai, titor/a do mesmo, no seu caso. De non resultarlle factible, pode delegar noutra persoa presentando a correspondente autorización asinada e acompañada de fotocopia do DNI.
- As taxas correspondentes á matrícula anual cóbranse tradicionalmente no mes de xullo de cada ano.

Como resultado deste proceso, o **26 de xuño de 2018** publicáranse no taboleiro de anuncios da EMM e na web do concello de Santiago (www.santiagodecompostela.gal) as **prazas vacantes para novo alumnado**.

2.- PRAZOS E PROCEDEMENTO DE ADMISIÓN DE NOVO ALUMNADO

2.1 Preinscrición: do 26 de xuño ao 9 de xullo de 2018

As persoas interesadas en matricularse na Escola Municipal de Música deberán cumprimentar o impreso de preinscrición, que poden descargar da web do Concello, pedila na propia EMM ou directamente no Rexistro Xeral ou Auxiliar do Concello, para unha vez cuberta entregala no Rexistro Xeral ou Auxiliar do Concello nos prazos indicados.

Neste momento do proceso NON é necesario achegar ningunha outra documentación. É requisito imprescindible que a persoa solicitante figure empadroada no Concello de Santiago cunha antigüidade mínima de seis meses no momento da preinscrición.

No caso de presentar a solicitude de preinscrición a través doutros rexistros ou por correo, deben informar e achegar copia ao enderezo electrónico: info@esmucompostela.es.

As prazas adxudicaranse pola seguinte orde:

1º Fillos/as do persoal do centro, segundo o indicado no artigo 80 do VI Convenio Colectivo de Empresas de Ensinanza Privada sostidas total ou parcialmente con fondos públicos, que di:

Preferencia de praza en postos escolares.- A preferencia de praza en posto escolar considérase respecto á empresa do traballador, sempre que este teña unha dedicación polo menos igual á metade da xornada laboral anual, para calquera nivel educativo dos alí impartidos e se así o permiten as características propias da empresa.

De existir máis solicitudes que prazas, realizarase un sorteo público no Concello de Santiago o 12 de xullo de 2018.

2º Empadroados/as no Concello de Santiago con irmáns matriculados actualmente na EMM:

- Se se dispón de prazas suficientes, realizarase a matrícula directa nos prazos aprobados pola Xunta de Goberno Local.
- De existir máis solicitudes que prazas, realizarase un sorteo público no Concello de Santiago o 12 de xullo de 2018.

3º Empadroados/as no Concello de Santiago:

- Se se dispón de prazas suficientes na modalidade solicitada, realizarase a matrícula directa nos prazos aprobados pola XGL.
- De existir máis solicitudes que prazas, realizarase un sorteo público no Concello de Santiago o 12 de xullo de 2018.

Resultado do sorteo e listas de agarda (No caso de ter que realizarse o sorteo público):

- Se se obtén a praza solicitada, a persoa seleccionada debe formalizar a matrícula nos prazos aprobados pola Xunta de Goberno Local.
- Se non se obtén a praza solicitada, pasará a formar parte dunha lista de agarda onde se establecerá a posición en función do número de entrada asignado no Rexistro Xeral.
- No caso de non haber prazas vacantes, pode solicitar praza e incorporarse a unha lista de agarda, que terá validez ata o 30 de novembro de 2018.

Exposición pública das listas provisionais de admitidos o 13 de xullo de 2018.

Período de reclamacións: 10 días naturais dende a publicación da lista provisional de admitidos.

Exposición pública da relación definitiva de admitidos: 24 de xullo de 2018.

2.2 Período de matrícula (do 24 ao 31 de xullo de 2018):

A matrícula formalizarase na Secretaría da EMM nos prazos indicados. De non formalizarse a matrícula no período correspondente decaerá o dereito á praza obtida (aínda constandingo o alumno/a na relación definitiva de admitidos) e terase por desistido da solicitude, arquivándose o expediente e non figurando nas listas de agarda.

2.3 Exposición pública de prazas vacantes para a 2ª convocatoria (se é o caso): 3 de setembro de 2018.

- A partir do 3 de setembro poderase solicitar praza nas especialidades nas que exista vacante ou para formar parte da listaxe de agarda, mediante solicitude de preinscrición que poden descargar da web do Concello, pedila na propia EMM ou directamente no Rexistro Xeral ou Auxiliar do Concello, para unha vez cuberta entregala no Rexistro Xeral ou Auxiliar do Concello ata o inicio do curso escolar (data pendente de aprobación pola Consellería de Educación).
- Neste momento do proceso NON é necesario achegar ningunha outra documentación. É requisito imprescindible que a persoa solicitante figure empadroada no Concello de Santiago cunha antigüidade mínima de seis meses no momento da preinscrición.
- O criterio de adxudicación da praza será por rigurosa orde de entrada no Rexistro Xeral ou auxiliar do concello.

O antigo alumnado poderá solicitar praza nesa mesma especialidade instrumental que cursou só de existir prazas vacantes, a partir do 30 de novembro de 2018 e só durante un curso escolar.

Documentación que deben achegar xunto coa solicitude de matrícula:

- Aquela documentación que indique a Ordenanza de prezos públicos de Santiago como necesaria para beneficiarse das bonificacións ou exencións que se establezan.
- Anexos 1 e 2 (dispoñibles na EMM, na web do Concello ou no Departamento Municipal de Educación) e autorización de saída do centro no caso dos menores de idade.
- Fotocopia do DNI ou folia do libro de familia onde figura o alumno/a.
- Fotocopia da tarxeta sanitaria do alumno/a.
- Xustificante bancario de ter satisfeito as taxas de matrícula na conta bancaria habilitada a tal efecto (se non se está exento do pago).

CALENDARIO ESCOLAR

O curso académico someterase ao calendario escolar que fixe anualmente a Consellería de Educación da Xunta de Galicia para Infantil e Primaria. O horario xeral do centro estará reflectido na programación xeral anual, podendo ofrecer a Escola actividades fóra do calendario escolar previsto previa presentación da proposta para a súa aprobación polo órgano competente do Concello de Santiago de Compostela.

PREZO PÚBLICO

De acordo coa *Ordenanza 4.30. Prezo público pola prestación dos servizos da Escola Municipal de Música- Modificación aprobada por acordo do Pleno da Corporación o día 31 de outubro de 2012. Publicada no BOP da Coruña de 31 de decembro de 2012:*

- **Matrícula:** 59,50 €
- **Cotas mensuais:**
 - Escola Infantil de Música: 35,65 €
 - Especialidade instrumental (curso completo) PEX ou PEPA: 53,50 €
 - Práctica instrumental + actividades instrumentais de conxunto: 42,80 €
 - Formación musical complementaria a practica instrumental: 35,65 €